

**PARLIMEN MALAYSIA**

**PEMBERITAHUAN PERTANYAAN DEWAN RAKYAT**

**PERTANYAAN : Lisan**

**DARIPADA : Dato' Dr. Mujahid Bin Yusof  
[ Parit Buntar ]**

**TARIKH : 28 MAC 2017 (SELASA)**

**SOALAN : (Dato' Dr. Mujahid Bin Yusof) minta  
MENTERI PERTANIAN DAN INDUSTRI  
ASAS TANI menyatakan:-**

bagaimana kriteria pemutuan dibuat atas hasil padi yang membebankan para pesawah baru-baru ini.

## JAWAPAN

**Tuan Yang Dipertua,**

Pemutuan adalah proses penggredan padi bagi menilai kualiti bersih padi yang dihasilkan oleh pesawah. Kriteria pemutuan adalah melalui pengasingan empat perkara berikut :

- (i) kandungan kelembapan padi (*moisture content*),
- (ii) padi rosak,
- (iii) padi muda dan hijau; dan
- (iv) bendasing yang terkandung dalam padi.

Kadar pemutuan padi yang dikenakan kepada pesawah adalah bergantung kepada kualiti sebenar padi yang ditentukan melalui pengiraan empat perkara tersebut. Tidak dinafikan terdapat kes pemutuan yang tinggi berlaku di beberapa kawasan dan perkara ini lazimnya berlaku berpunca daripada kualiti padi yang terkesan akibat masalah seperti serangan serangga dan penyakit seperti bena perang, sambang padi dan Bacteria Leaf Blight (BLB), isu cuaca seperti fenomena El-Nino, kekurangan bekalan air dan kegagalan pesawah dalam mematuhi jadual kerja ladang.